



ADMINISTRACIÓN LOCAL

MUNICIPAL

ARTEIXO

Secretaría Xeral

Corporación 2023-2027. Constitución de xunta de goberno local e competencias

ANUNCIO.- Publicación da Resolución número 2005/2023, relativa ao asunto “Corporación 2023-2027. CONSTITUCIÓN DE XUNTA DE GOBERNO LOCAL E COMPETENCIAS.-”

“Secretaría Xeral

EXPEDIENTE.- 2023/X999/000051

PROCEDIMIENTO.- Procedimiento Genérico. Expediente de Elecciones.-

RESOLUCIÓN

Asunto: XUNTA DE GOBERNO LOCAL CORPORACIÓN 2023-2027. COMPOSICIÓN E ATRIBUCIÓNS.-

Na Casa do Concello de Arteixo (A Coruña), o Sr. Alcalde-Presidente, D. Carlos Calvelo Martínez, ante min, Secretario Xeral, dictou a seguinte:

RESOLUCIÓN

Constituída a Corporación Municipal en data 17 de xuño de 2023, consonte co resultado das eleccións municipais celebradas o día 28 de maio de 2023.

Segundo o disposto nos artigos 23 da Lei 7/1985, de 2 de abril, reguladora das bases do réxime local, artigos 59.2.b) e 65.1 da Lei 5/1997, de 22 de xullo, de administración local de Galicia, e artigo 35.2 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, así como o establecido nos artigos 19, 20, 21 e 22 do Regulamento Orgánico Municipal de Arteixo, a Xunta de Goberno Local é un órgano necesario do Concello, e se integra polo Alcalde-Presidente e un número de concelleiros e concelleiras non superior a un tercio do número legal de membros da Corporación.

Os concelleiros e concelleiras que a conforman serán nomeados e separados libremente pola Alcaldía, dando conta ao Pleno da Corporación, correspondéndolle como competencia propia a asistencia ao Alcalde no exercicio das súas atribucións así como as atribucións que o Alcalde ou outro órgano lle delegue ou lle atribúan as leis, de acordo co establecido na lexislación aplicable.

Atendendo aos cambios na composición no grupo municipal Partido Popular, grupo de goberno, é necesario modificar e deixar sen efecto o Decreto da Alcaldía nº 1604/2019 de 1 de xullo, que referían a composición e atribucións da Xunta de Goberno, modificado a súa vez por Decreto da alcaldía nº 2873/20109 de 25 de novembro de 2019.

Visto canto antecede, pola presente **RESOLVO:**

PRIMEIRO.- Modificar a composición da Xunta de goberno local do concello de Arteixo para o mandato 2023-2027, como órgano colexiado municipal de carácter resolutivo, presidida por esta Alcaldía, que quedará integrada polos concelleiros seguintes, (7) número non superior ao tercio do número legal dos que integran a Corporación, no sentido seguinte:

Presidente: D. Carlos Calvelo Martínez

Vogais:

- 1º Tenente de Alcalde: DON JOSÉ MARÍA SÁNCHEZ NOVO
- 2º Tenente de Alcalde: DONA INÉS RAMOS ÁLVAREZ
- 3º Tenente de Alcalde: DONA JOSEFA ZAS SUÁREZ
- 4º Tenente de Alcalde: DON EMILIO MACEIRAS LÓPEZ
- 5º Tenente de Alcalde: DONA PATRICIA AMADO VARELA
- 6º Tenente de Alcalde: DON JOSÉ MANUEL CAAMAÑO VARELA
- 7º Tenente de Alcalde: DON LUIS ALBERTO CASTRO CALVETE

O cargo se considerará aceptado tácitamente, salvo manifestación expresa dos concelleiros e concelleiras nomeados.

SEGUNDO.- Atendendo ao establecido no artigo 211 da Ley 5/1997, de 22 de julio, reguladora de la Administración Local de Galicia a Xunta de Goberno Local para exercer as súas competencias resolutorias, terá sesións ordinarias coa periodicidade determinada polo Pleno da Corporación e as sesións extraordinarias cando o presidente o decida. Para o exercizo das súas funcións de asistencia, reunirase cando o Alcalde-Presidente da corporación o determine.

TERCEIRO.- A Xunta de Goberno Local terá asignadas as seguintes atribucións, deixando sen efecto calquera redacción anterior:

A Xunta de goberno local terá asignadas as seguintes atribucións:

a) A asistencia permanente á Alcaldía no exercicio das súas atribucións.

b) As atribucións que a Alcaldía lle delega, que son as seguintes:

- Aprobar a oferta de emprego público de acordo co orzamento e a plantilla aprobados polo Pleno.
- A aprobación dos instrumentos de plan de desenvolvemento do plan xeral non expresamente atribuídas ao Pleno, así como a dos instrumentos de xestión urbanística e dos proxectos de urbanización.
- A resolución dos expedientes de disciplina urbanística, sancionadores e de reposición da legalidade urbanística.
- A adjudicación de concesions sobre os bens da Entidade local e a adquisición de bens inmoables e dereitos suxeitos á lexislación patrimonial cando o presuposto base de licitación, nos termos definidos no artigo 100.1 da Lei 9/2017, non supere o 10 por cento dos recursos ordinarios do presuposto nin o importe de tres millóns de euros, así como a enaxenación do patrimonio, cando o seu valor non supere a porcentaxe nin a contía indicados.
- A incoación e resolución dos expedientes de responsabilidade patrimonial da administración municipal que sexan competencia de alcaldía.
- A suscripción de convenios de colaboración con outras administracións públicas ou outras entidades do sector público, cunha vixencia inferior a 4 anos e cun límite de gasto total para a administración que non supere o 10 % dos recursos ordinarios do orzamento municipal ou vixencia indefinida que non supoña gasto para a administración, salvo os supostos incluídos no artigo 47.2 da Lei 7/1985 de 2 de abril.
- A convocatoria para o outorgamento de subvencións e axudas económicas de todo tipo o outorgamento das mesmas, estean ou non previstas no orzamento municipal, así como a súa xustificación. A excepción da concesión e xustificación das axudas de emerxencia social e para a inserción social e axudas de apoio á mobilidade para persoas con diversidade funcional e/ou con dependencia acreditada e ás axudas no desplazamento por asistencia a cursos de formación. Ambas en aras de dar axilidade á tramitación das mesmas.
- A aprobación dos convenios de colaboración en materia de subvencións nominativas con entidades e asociacións así como a xustificación dos mesmos.
- A aprobación das bases dos premios concedidos pola entidade, a convocatoria dos mesmos así como a súa xustificación.
- A resolución dos acordos en materia de administración electrónica que leven consigo a implantación de procesos, programas ou sistemas informáticos que interrelacionen con varias concellerías e departamentos municipais ou que teñan efectividade transversal para a entidade local, sen perxuízo das competencias asumidas por cada un dos órganos de contratación da entidade.
- Seguimiento, mediante dación de conta, dos procedementos xudiciais nos que se atope incurso a administración local, así como o seguimento da execución de sentenzas xudiciais, sen perxuízo da competencia para o exercicio de accións xudiciais e administrativas e a defensa de la corporación.

Sen prexuízo do anterior, a Alcaldía resérvase a avogación daqueles asuntos que polas súas características particulares ou pola súa urxencia tiveran que resolverse con prontitude e celeridade.

Os actos ditados polo órgano delegado no exercicio das atribucións delegadas enténdense ditados polo órgano delegante, correspondendo, en consecuencia, a Alcaldía a resolución dos recursos de reposición e extraordinarios de revisión que se presentaren contra os actos administrativos ditados en exercicio de facultades delegadas.

CUARTO.- Da presente resolución, darase coñecemento ao Pleno na primeira sesión que celebre, notificándose ademais persoalmente ás persoas interesadas e publicarase no Boletín Oficial da Provincia, sen prexuízo da súa efectividade a partir do día seguinte ao da data de sinatura da mesma, conforme se indica no artigo 52.4, en relación co artigo 46 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

QUINTO. - Quedan derogados os Decretos así como calquera outra resolución que se opoña ao contido da presente.

En Arteixo, asinado dixitalmente polo Alcalde D. Carlos Calvelo Martínez, do que eu, José María Vázquez Pita, como Secretario, dou fe. (Asinado aos efectos exclusivamente do artigo 3.2 do RD 128/2018 de 16 de marzo e o artigo 2.1 do Decreto 24/2018 do 15 de febreiro)."

Asinado dixitalmente.- Carlos Calvelo Martínez (ALCALDE-PRESIDENTE)

En Arteixo, a 23 de Xuño do 2023

2023/5073

ADMINISTRACIÓN LOCAL

MUNICIPAL

ARTEIXO

Secretaría Xeral

Corporación 2023-2027. Delegacións do pleno na Xunta de Goberno Local

ANUNCIO.- Publicación do acordo adoptado polo Pleno da Corporación, en sesión extraordinaria celebrada o 22 de Xuño do 2023, relativo á **6. DELEGACIÓN DO PLENO NA XUNTA DE GOBERNO LOCAL.-**

“6. DELEGACIÓN DO PLENO NA XUNTA DE GOBERNO LOCAL.-

“Proposta de Acordo

Asuntos da Alcaldía-Presidencia

Exp. 2023/G006/000267

PROPOSTA DA ALCALDÍA-PRESIDENCIA DE DELEGACIÓN DE COMPETENCIAS DO PLENO NA ALCALDÍA E NA XUNTA DE GOBERNO LOCAL. Corporación 2023-2027.-

Constituída a Corporación Municipal en data 17 de xuño de 2023, consonte co resultado das eleccións municipais celebradas o día 28 de maio de 2023, habendo resultado elixido alcalde-presidente da Corporación na antedita sesión constitutiva e de conformidade coas atribucións que me veñen conferidas polos artigos 21 e 23 da Lei 7/1985, de 2 de abril, Reguladora das Bases do Réxime Local,

Considerando o disposto do Real Decreto 2568/1986, do 28 de novembro, que aproba o Regulamento de Organización, funcionamento e réxime xurídico das Entidades Locais, polos artigos 61 e seguintes da Lei 5/1997, de 22 de xullo, de Administración Local de Galicia, o regulamento orgánico municipal do concello de Arteixo (ROM) e demais concordantes e de xeral aplicación.

Visto o artigo 22.4 da Lei 7/1985, de 2 de Abril, Reguladora das Bases de Réxime Local, que dispón que o Pleno pode delegar o exercizo das súas atribucións no Alcalde e na Xunta de Goberno Local, salvo as enunciadas no apartado 2, párrafos a) b) c) d) e) f) g) h) i) l) p), propónse ao Pleno do Concello para a súa aprobación, se procede, a seguinte proposta de delegación do Pleno.

O acordo plenario polo que se produza a delegación, dacordo co artigo 51.2 do ROF tendo en conta o establecido no artigo 64.4 da Lei de administración local de Galicia adoptarase por maioría absoluta do número legal de membros da corporación, e surtirá efectos dende o día seguinte ao da súa adopción, sen prexuízo da súa publicación no BOP de A Coruña. Estas regras tamén serán de aplicación ás modificacións posteriores do devandito acordo.

Sendo necesario dotar da maior axilidade a tramitación dos expedientes administrativos respetando en todo caso a lexislación vixente en cada momento, conforme ao art. 51.2 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986 de 28 de novembro, e ao artigo 64 da Lei de administración local de Galicia xunto co indicado no artigo 22 da Lei de bases de réxime local, propónse ao Pleno da Corporación a adopción do seguinte **ACORDO**:

PRIMEIRO.- Delegar na Alcaldía-Presidencia a seguinte atribución delegable que a lexislación vixente asigna ao Pleno da Corporación:

-A aprobación dos proxectos de obras e servizos cando sexa competente para a súa contratación ou concesión, e cando aínda non estean previstos nos orzamentos.

SEGUNDO.- Delegar na Xunta de Goberno Local as seguintes atribucións delegables que a lexislación vixente asigna ao Pleno da Corporación:

- 1.- O exercicio de accións xudiciais e administrativas e a defensa da corporación en materias de competencia plenaria.
- 2.- A declaración de lesividade dos actos do Concello.

3.- As competencias atribuídas ao Pleno na DA 2ª apartado 2 e apartado 10 da Lei 9/2017 de 8 de novembro de contratos do sector público, pola que se transpoñen ao ordenamento xurídico español as Directivas do Parlamento europeo e do Consello 2014/2/UE de 26 de febreiro de 2014.

4.- As resolucións que poñan fin á vía administrativa en materia de expropiación forzosa.

5.- O recoñecemento extraxudicial de créditos.

Os actos ditados polo órgano delegado no exercicio das atribucións delegadas enténdense ditados polo órgano delegante, correspondendo, en consecuencia, ao Pleno da corporación a resolución dos recursos de reposición e extraordinarios de revisión que se presentaren contra os actos administrativos dictados en exercicio de facultades delegadas.

TERCEIRO.- En calquera caso, queda excluída a delegación de aqueles asuntos cuxa aprobación requira maioría absoluta ou calquera outra maioría cualificada. As competencias delegadas na Alcaldía e na Xunta de Goberno Local estarán suxeitas ao control e fiscalización do Pleno da Corporación a través dos mecanismos previstos na normativa local.

CUARTO.- Os acordos que se adopten por Alcaldía e por Xunta de Goberno por delegación do Pleno deberán estar previamente ditaminados pola comisión informativa correspondente, salvo os que sexan declarados urxentes.

QUINTO.- Ordenar a publicación do presente acordo no Boletín Oficial da Provincia da Coruña, no Taboleiro de Anuncio, na sede electrónica municipal e no portal de transparencia, non obstante surtirá efectos dende o día seguinte ao da súa adopción.

SEXTO.- Dar traslado do presente acordo aos diferentes departamentos municipais para o seu coñecemento.

En Arteixo, documento asinado dixitalmente na data da e-sinatura polo Sr. Alcalde-Presidente, D. José Carlos Calvelo Martínez.”

Deseguido, pola Alcaldía-Presidencia dase un turno de intervencións:

<<...>>

Non formulándose máis intervencións, a Alcaldía-Presidencia somete o asunto a votación.

Votación:

Votos a favor:

14 Grupo PARTIDO POPULAR

Votos en contra:

4 Grupo PARTIDO SOCIALISTA

2 Grupo BLOQUE NACIONALISTA GALEGO

1 Grupo ALTERNATIVA DOS VECIÑOS

Á vista do resultado da votación, o Alcalde-Presidente proclama adoptados, por MAIORÍA, os acordos transcritos na proposta que se deixa reflectida.”

Asina dixitalmente na data do documento electrónico. José Carlos Calvelo Martínez (ALCALDE-PRESIDENTE)

En Arteixo, a 23 de Xuño de 2023

2023/5067